

exercuit, & simul coercuit. In reditu, ut velitationes quotidie tacitus prætermittam, rebelles in angustias prope Carlingfordiam, ubi viam obseperant; memorabili clade obtriti & fugati fuerunt.

Pauculis diebus intermissis ne quid temporis periret, Prorex media jam hyeme *Glinnes*, id est, *Connalles* in Lagenia ingressus hætenus intactas, regione populata Donellum *Spaniah*, Phelimum *Mac Feogh*, & tumultuosam & pernitiosam *O-Toolorum* gentem in ordinem obsidibus acceptis redegit, in *Fereal* postea penetravit, & *Tirellum* inter rebelles rei militaris peritissimum è firmamento suo, cujusmodi *Fastnes* illi vocant, paludoso & vepribus condenso in *Ultoniam* expulit. In *Ultoniam* jam per ambages ubique victor pervenerat, ubi primum regiunculam *Ferney*, occisis duobus *Evani Mac-Cowly* filiis, & emissio *Richardo Morisono Fues* devastavit, Præsidium curante *Olivero Lambardo* in *Breany* collocavit, & *Droghedam* deflexus in fidem recepit qui se submiserunt è primariis rebellium *Turloghum Mac Henry* Dynastam in *Fues*, Everum *Mac-Cowly*, *O-Hanlon*, qui hæreditarium se regum vexilliferum in *Ultonia* gloriatur, & plures ex *Mac-Mahonis*, & *O-Realis*, qui quos habuerunt charissimos in obsides tradiderunt. Appetente vere priusquam copiæ omnes convenerant, ad *Mogbery* Prorex tendit, ubi succisis sylvis viam perviam fecit, & munimentum posuit, è *Lecallia Mac Genissos* qui usurparunt, expulit & omnia rebellium castra ad *Armachiam* in potestatem redegit, quam & præsidio firmavit. Ut eo usque processit ut ab *Aqua Nigra*, sive *Blackwater* Comitum qui ibi multa arte castrametatus erat, submoverit, & paulo inferius munimentum erigere cogitaverit, cum quod antea communi rumore increbescente audierat, multi scripserunt, & fama certa pertulit Hispanos in *Momoniam* appulisse. Ut jam necessario ab incæpto desistendum; & *Hibernia* non tam ab interna rebellionem, quam ab externo hoste erat defendenda. Nec tamen parva amitterentur, prædiis firmatis, in *Momoniam* cum una & altera Equitum ala, Peditum ductoribus subsequi iussis, continuis itineribus advolat.

Dum enim ille bello in *Ultonia* incumbere, Comes rebellesque *Momonienſes* per emissarios suos Hispanum scilicet quendam designatum à *Papa Dublinæ Archiepiscopum*, *Episcopum Clonfortensem*, *Episcopum Killalensem*, & *Archerum* è *Iesuitica Societate* orando, obsecrando, obtestando ab Hispano tandem impetrarunt ut subsidium rebellibus in *Momoniam* mitteretur sub *Ioanne D'Aguilia*, spe certa concepta universam *Momoniam* mox defecturam, & titularem *Desmonia* Co-

*Hibernia.*

mitem, *Florentiumque Mac Carty* auxilium magnum adjuncturos: sed hos *Momonia* Præfès *Georgius Carew* antea provide interceperat & in *Angliam* transmiserat. Appulit ad *Kinsaliam* in *Momoniam D'Aguilia* cum bis mille veteranis Hispanis & quibusdam transfugis *Hibernicis* pridie *Calendas Novembris*, statimque scripto adito quo se titulo *Magistri Generalis*, & *Ducis Regis Catholici in Dei bello pro fide tenenda in Hibernia* ostentat, persuadere conatur *Elizabetham* *Reginam Pontificum Romanorum* sententiis regno esse abdicatam, subditosque à fidelitatis juramento absolutos, seque & suos advenisse ut *Hiberniam* à faucibus *Diaboli*, & *Anglorum tyrannide* liberaret; & quamplurimos sane pravos specioso hoc obtentu in suas partes pellexit.

Prorex contractis undique quos poterat numeris, ad obsidionem se accingit & *Richardus Leveson* *Subthalassiarcha* ex *Anglia* cum una & altera navi regia ad aditum prohibendum missus, portum intercludit. Iam castris positus, terra marique in oppidum *Angli* effulminare & arctius obsidione incingere cœperunt, quæ tamen statim remissior, quod hinc *Leveson* cum *classariis* contra *IIM*, *Hispanorum* qui ad *Berehaven*, *Baltimor*, & *Castlehaven* expositi præmissus erat, quorum quinque naves ille depressit: inde *Momonia* Præfès eodem tempore missus cum aliquot turmis ad prævertendum *O-Donellum* qui jam adventavit, ne cum novo illo *Hispanorum* supplemento se jungeret. Verum cum jam omnia gelu essent constricta, ille per avia ne conspectus quidem noctu expedito itinere ad *Hispanos* recens advectos evasit. Paucisque diebus interpositis ipse Comes *Tir-Oen* cum *O-Rork*, *Reimundo Burk*, *Mac-Mahon*, *Randallo Mac-Surley*, *Tirello*, *Barone de Lixnaw*, & rebellium lectissimis accessit, quibus cum recentes *Hispanos* *Alphonſus O-Campo* eorum ductor adjunxerat, *VICTO* peditum & quingentos equites numerabant; in spem victoriæ adducti, quam certissimam confidebant quod numero erant superiores, recentes, ab omni apparatu instructiores: contra *Angli* *hibernæ* obsidionis incommodis lassati, commeatu exclusi, & equi laboribus inediaque confecti. In his difficultatibus ad ordinum ductores refert Prorex quid agendum, nonnullis consultissimum visum obsidionem solvere, in *Corcagium* se recipere, nec unius prælii fortunæ regnum universum committere. Prorex contra, persistendum, à perenni contestataque majorum virtute non degenerandum suadet: nec optatiorem opportunitatem viris fortibus obvenire potuisse, quam tunc in sinum ipsis delatam, ut vel cum gloria mortem oppeterent, vel cum honore hostes devincerent. Obsidionem igitur quantis poterat

R

terat